



HISTORIA MORBI.



THE
MORRIS

HISTORIA MORBI

EMINENTISS. CARDINALIS

CAROLI COLUMNÆ



Cum brevi Scholio

JANUARIJ JANNELLI

Archiatři Romani,

ET ABSOLUTISSIMIS ADNOTATIONIBUS

JO. MARIÆ LANCISII



Intimi Cubicularii, & Archiatři
Pontificii.



R O M Æ,

Apud FRANCISCUM GONZAGA MDCCXIX.

Superiorum permissu.

HISTORIA MORBI

INVENTUS CARDINALIS

CARDINI COLUMBINE

DE MORTUO

IN MORTUO IN MORTUO

IN MORTUO IN MORTUO

IN MORTUO IN MORTUO

IN MORTUO IN MORTUO

IN MORTUO IN MORTUO

IN MORTUO IN MORTUO



IN MORTUO IN MORTUO

IN MORTUO IN MORTUO

IN MORTUO IN MORTUO

FABRICIO

MAGNO COMESTABULO

COLUMNÆ

JANUARIUS JANNELLIUS S. P. D.



Istoriā Morbi, quo
proximè superiori mense confi-
Sta-

Etatus fuit amplissimus **CARDINALIS**
CAROLUS PATRUS TUUS, una cum
methodo cum curandi, & sanandi
à me jam exarata, dum adhuc
curationi apud Te in tuo Marini
Oppido vacarem, nulli quidem
potius quam Tibi, **MAGNE COME-**
STABULE, offerre debeo; nec eo tan-
tùm quod scilicet per media dis-
crimina, in quibus versari Pa-
truum tuum sollicitus, prudensq;
dolebas, non semel impalluisti,
aut quod Tibi maximè de Tuo
demum restituto **CARDINALI**, Urbs
tota **ROMA** ex animo, intimiori-
que ex sinu gratulata fuit, & gra-
tu-

tulatur ; sed eo verè , & potissimum , quòd in ipso Morbo à me tanquam in quadam Tabula descripto , cum heroicam facilè recoles sedulitatem , qua MATER TUA PIENTISSIMA opem periclitanti CARDINALI noctu , diuque præstitit , nullum dubium inde erit , quin ex hac egregia circumstantia in tuam SPECTATISSIMAM GENITRICEM gratissimus , historiam hanc meā mirè excipias , & complectaris : siquidem in hac sola , unico , & primo obtutu , perspicies , miraberis , & penitus commendabis , quæ jam per partes , & seorsim
fue-

fuerant à Te perspecta, & com-
mendata: Morbum nempe in
primis: ejusque feritatem, CARDI-
NALIS inde Tui constantiam. Atque
demum MATRIS TUÆ animum ex-
cellsum; atque fortissimum, PA-
TRUI, DOMUSQUE TUÆ Servatorem;
Quamobrem cur hanc, quam elu-
cubravi Historiam, Tibi prorsus
debeam, & devoveam, Tu planè
non solum videris, & jam tenes,
sed jure, meritoque probabis.
Huc proinde accedit, quod ut id
operis meum, quantumvis tenue,
& levidense, minus despectum,
minusque AMPLITUDINE TUA fieret
in-

indignum, de industria ornari curavi perquam utili, & elegantissimo Commentario Viri doctissimi Lancisii Medicorum Urbis primarii, atque Archiatri à secretis Pontificis nostri Maximi, Optimique, qui mihi gratificando, & Tibi, Tuisque prospiciendo, solidas, atque doctas adnotationes adjecit. Quo perinde factum est, ut hoc nomine tantum elucubratio mea neutiquam dejecta jaceret, sed ferè superbiens ad Te, Dignitati Tuę non propemodum impar, accederet. Hisce igitur ex causis excitatus hanc qualem-

b

cum-

cumq; meam Opellam Tibi deferre, dicare, & penè reddere volui, & debui, atque obnixè deferro, dico, & reddo; iisdem Tu quoque permotus, eandem ita precor accipias, ut voluntatem erga me Tuam, tot, tantisque officiis tuis, Tuorumque omnium in me probatam, magis, atq; magis sentiam, quod erit mihi omnium iucundissimum. Vale.

*Ex Ædibus Falconeriis vi.
Kal. Augusti MDCCXIX.*

IMPRIMATUR,

Si videbitur Reverendissimo Patri Magistro Sacri Palatii Apostolici.

T. Episcopus Heraclea Vicesgerens.



DI ordine del Reverendissimo Padre Maestro del Sacro Palazzo Apostolico ho riveduta la sudetta Historia dell' infermità dell' Eminentissimo Cardinal Colonna, e non vi ho trovata cosa, che sia di pregiudicio alla nostra Fede, ovvero a' buoni costumi, ma sentimenti di dottrina utilissima. Roma 20. Agosto 1719.

Giacomo Sinibaldi.



IMPRIMATUR.

Fr. Gregorius Selleri Ordinis Prædicatorum, Sacri Palatii Apostolici Magistri.

1911

1911

1911

1911

1911


1911

1911

1911

JOSEPH JULIUS

LECTORI.

Um Princeps Eminentissimus
CAROLUS Cardinalis COLUMNA
non ita pridem in amæno,
præclaroque Mareni Oppi-
do, ejus ditionis, perquam graviter
ægrotaſſet, ac inde diligenti curatione
adhibita integrè convaluiſſet, JANUA-
RIUS JANNELLIUS Celeb. in Urbe Archia-
ter, qui tum eo temporis cum doctiſſimo
Antonello ſimul, Dominicoque Bian-
ciardo, ac una mecum in ampliffima
COLUMNENSIVM Domo ordinario Medi-
co, CARDINALI medebatur, ſingula, quæ
in diem, imo in horas eveniebant ad
Morbum ſpectantia, quæque pro cura-
tione peragebantur, ſedulò notabat, &
tanquam in acta regerebat; atque in
id eo potiſſimum incumbibat, ut hac ra-
tione

tionē servata, accuratius, quam fieri poterat, PONTIFICI ipsi CLEMENTISSIMO usquequaque obtemperaret, qui quæcumque ex Morbo obtigissent, & ex usu remediorum quotidiano pervenissent, jussit, ut in dies magis, magisque sibi mox, & exquisitè significarentur, curante id ALEXANDRO ALBANO ejus meritisissimo Nepote. Quo demum factum fuit, ut quæ tantum in adversariis diurnis rejecta prope manerent, selecta hinc, & in unum coacta, hanc, quam historiam concinnavit idem Clariss. JANNELLIUS, commodè efformassent, accuratam primo quidem, & perspicuam: notabilem inde pro ægritudinis sævitie citius, quam credebatur, edomitæ: ac tandem spectatissimam SUMMI PONTIFICIS jussu, ex quo licet remotè, directè tamen, & veluti ex proprio fonte emanavit. Ad quam proinde quædam accedere ejusdem Historici adnotationes,

nes, breves sanè, sed non parum facientes ad ideam Morbi penitus intelligendam, ejusdemque symptomata ritè explicanda, & curationis scopos jam collimatos, ulterius perspiciendas; Accessit (& quod omnem implevit paginam) Commentarium nempe, solidissimè elaboratum, & huic adjectum à celeberrimo, Illustrissimoque Viro LANCISIO Archiatro à secretis Beatissimi nostri Pontificis CLEMENTIS XI. quo dici planè nequit quam Morbi præfata enarratio magis, atque magis ornaretur, & utilis fieret; Quapropter cum utraque Scripta collegissem, ut sic contracta, & in unum collata, omni exinde numero absoluta viderentur, quandoquidem in iisdem habemus & Historiam Morbi, & Ætiologiam, & Prognosim, Textuumq; Hippocratis aliorum dilucidam, & germanam expositionem ad eandem affectionem peni-

*nitus dignoscendam, judicandam, &
curandam, ea idcirco ut quamprimum
Typis mandarentur, curavi. Quod pro-
inde sedulo perfeci, & an è re, & ex
usu Tu legendo Judex esto. Quamvis
potissima ea ratione commendatum iri
à Te spero, meum hæc qualiacumque
sint, edendi, & promulgandi studium,
ne scilicet Virorum tam Illustrium be-
nefacta laterent. Vale.*

HISTORIA MORBI CARDINALIS COLUMNÆ.



Minentiss. Cardinalis
CAROLUS COLUMNA
annos natus 54. Par-
tium decenti structura
solidè elegans , Mo-
rumque suavitate Ur-

bi prope mirabilis, cum ut plurimum
circa Oris intimiores glandulas , flu-
xionibus, uti dicunt, catarrhalibus de-
tineri , & viscida quædam recrementa
lymphica, concretaque mane statim,
ac expergisceretur, ex miti Tussi ex-
puere soleret , quolibet anno circa
Vernum tempus, sive Autumnale assu-
mebat leves aliquot *Tincturas* ex rha-
barbaro in aqua endiviæ, aut cichoreæ,

A

ac

ac deinceps per duodecim, & ultra dies decoctum ex radice Chinæ, Salsæ parillæ, & limatura Eboris paratum, ut glutina illa aliorum distracta facilius diffringerentur, & exularent; eoque magis, quo Vir amplissimus cibis crassioribus paulò indulgentior, tum de distensione stomachi, tum sæpe sæpius de pondere, & pressione ad Ventrículum conquereretur.

Verùm, nescio quo casu, his, aliisve similibus tam anno proximè elapso, quàm nunc jam excurrente, prætermis-
sis; concretiones illæ catarrhales amplius aggeratæ fuerint, & Sanguinem ex compactiori chylo magis, atq; magis coactum, non ritè debitis purificationibus auscultasse probabilissimum est; quandoquidem ex præfato rhabarbari usu, & quandoque olei amygdal. dulc. mirè alvus ab lentis, viscidisque humoribus tergebatur, ita ut incolumitas ex-
inde

inde emergere undequaque, meritoque videretur .

Nuper Pluviis in medio Junio vigentibus, ac proinde intemperie aeris ad frigus udum vergente, cum eidem aeri frigescenti se præberet ab Urbe Marinum petens, domi horis pomeridianis (diei scilicet 22. Junii 1719.) *tali, ac tanto frigore per totum corpus offundi sensit*, ut de igne, & lecto statim cogitaret; quibus nullatenus *per horas quatuor nunquam calefieri potuit*, quoad calor febrilis *sensim usquequaque gliscens, in eum elatus fuit æstum*, ut postquam Vir Eminentissimus *quædam evomisset, delirè plurima Familiaribus jussit, & multa perperam tanquam somnians protulit*; hinc noctem duxit *insomnem, & molestissimam*.

Mane verò dolor accedit *acerbissimus sub mamma dextera cum tussi*,

& quodam *sputo cruento, siti, febrique adauſa*; Medicus eapropter Venam brachii juxta latus affectum ſecandam eſſe jubet, ac Clyſma eo ipſo injiciendum præſcribit. Quo excepto tamen, cum venter ad egeſtionem ſolicitaretur, & actu egereret, *animo æger penitus deficit, facies fit emortualis, oculorumque pupillæ ad baſim uſque retorquentur*, atque hoc ſymptomate ſupervento, & perdurante perculſi adſtantes ſpem omnem penè dejiciebant, aut omnia plena discriminis, ac timoris inſpiciebant, & dimetiebantur, quouſque Generoſiſſimus Ægrotus ad ſe rediens, plenè animum opitulantium erexit, & reſtituit.

In hoc rerum anfractu, & turba, Medicus diſtulit venæ-ſectionem, atque hanc ad meridiem uſurpavit, ſanguine ad unc. v. extracto, qua dolor parum ceſſiſſe dicitur, & pectus majori liber-

libertate donatum, faciliùs munere, cui ex natura incumbit, aerem hauriendi, & explodendi, fungi ipsimet Ægro visum fuisse, perhibetur. Doctissimus Antonellus interim, & ego accersiti, maximèque in ipso principio secundæ diei hujusce morbi, hæc, quæ sequuntur sedulò observavimus, unà cum industrio tum Ægrotantis Medico.

I. *Tussim profundam, raram, & molestam.*

II. *Dolorem in mamma dextera, acerbum ex tussi, fixum aliàs, & pungentem.*

III. *Sputa perpauca variegata, livida, scilicet flavo-obscura, & subviridia.*

IV. *Nullam quidem, ut videbatur, spirandi difficultatem.*

V. *Sed rheuma in pectore perstrepsens, & ferè sibilans.*

VI.

VI. *Urinam confusam, & prope subjugalem.*

VII. *Sudorem, aut sudatiunculas in ipsa febris accessione; hac etenim tum lacefsiri Virum amplissimum comperimus.*

VIII. *Dolorem in mamma maxime exacerbari, si ad latus affectum Æger procumberet, sin minus, è contra..*

IX. *Et pulsum notabilem varietatem: nunc enim parvos, nunc magnos, nunc molles, nunc duriusculos, nunc magis, minusve celeres in id temporis paucis ferme momentis notavimus.*

Ex quibus indiciis seriò, & accuratè animadversis mirabundi, & perterriti *Morbum* pronunciamus *Pleuritidem* quidem esse, sed jure suo portentosam, insolitam, & verè malignam saltim ex inæqualitate, & improprietate symptomatum, quæ eam comi-

mitabantur, ac propterea *ominosam, & difficillimè domabilem*.

Nihilominus perspectis in progressu febris arteriis rigidè micantibus *expulsuum magnitudine, & evidenti duricie*, itidemque notatis *doloris in mamma sævitie, & tussi sicca*, & *urinarum saturitate, minorique, quam deceret, copia*, sicut & *respiratione paulò crebriori*, audacter in augmenti febris fine, venam secuimus brachii è regione Partis affectæ, & Sanguinem misimus ad unc. ix. Quo factum fuit, ut dolor aliquantisper mitesceret, lotiaque effluerent paulò adaucta, & dilutiora. Præscripsimus quoque Ecleg. ex sangu. hircino, sperm. cet. ol. amygd. dulc. & julep. viol. conflatum in binas quasque horas cochleatim assumendum, atque oleum solum amygd. dulc. præbui-
mus ex intervallo eodem lambendum; verùm hisce sic ritè peractis, si quod
spu-

sputum apparuit post *tussim*, & *perpaucum* fuit, & *lividum*, & *flavo-atrum*, penitusque *improbum*.

Mane igitur (quòd erat finis secundæ diei hujus morbi) *pulsus* *intercurrunt*, ac *aliquando intermittunt*, & *febris intensius* adurit. Propinatur oleum amygd. dulc. rec. ad unc. i v. & (mirum dictu) vix præterit hora, ex quo oleum epotum fuerit, quod *pulsus* iidem evidentissimè defervent, & ad meliorem *rhythmum* retrahuntur.

Tertiò, post medium diem *redit febris prævio levi rigore*, & *circa extremamiti quodam algore*. Sputa excreantur pauca, nigricantia, aut flavo-cinericia; *silet penitus dolor in mamma*; urinæ crassæ, & diminutæ; *sudatiunculæ* ad principium, & augmentum *febris*; *pulsus varii*; propensio summa ad *somnum*; *linguæ siccitas*. Hinc coxæ, & brachia vesicantibus in-
urunt-

uruntur. Ab oleo exhausto nihil alvo emota præscribitur clyster, qui ineptia siphunculi non ritè intra rectum intruditur. Tum septem post horis à recursu febris (nempe inter quartam, & quintam noctis horam) assumitur, sed malis avibus, aqua scorzonæræ, in qua infusus fuerit lapis histricis, quoniam, *pulsus* tum prodeunt *celerrimi*, *inæqualissimi*, & *parvi*, *anxietas*, & *jactatio* *Ægri incredibilis*.

Quartò, scilicet sequiori mane, *anacatharsis fermè nulla*, vel si quicquam *sputi* rejectum fuerit, crassum illud erat, atro-flavescens, & aliquo modo putridum: *urinarum* rubor, & paritas. Iterum oleum amygd. dulc. ad unc. iv. ebibitur cum aliquot granis salis tartari juxta præscriptionem eximii Viri Lancisii, qui jussu beneficentissimo Pontificis, & validis officiis Præfulis in Urbe Principis Alexandri

Albani multa doctè rescripsit ad Morbum, quem enarramus.

Ast tertiam post horam, vel quartam, quam propinatum fuerat oleum, efferre prope nescio quam *anxius*, & *jaëtabundus* Spiritum trahere cogebatur Ægrotus, *quot, quantisque interlabentibus suspiriis* referare præcordia. Pulsuum tunc quaquaversum ametria, *facies decolor, oculique demissi, omnia in pejus*; quoad oleum post bina juscula insulsa exhibita primam sedem cingere cœpit, quod nonnisi post longam moram effectum est, & quæ deturbatæ fuerunt fœces, tantùm aluinæ erant, & parcæ, bile, ut dicunt, conspersæ.

Attamen quinta post meridiem, hora regreditur febris, *levi præcedente rigore*, nulloque penitus solito signo in pulsibus id commonstrante, præter tum concitatiorem eorundem frequentiam. Concomitantur *somnolentia,*

tia, & *sudor* circa collum, ac caput in ipso principio, & augmento *febris*; item *lingua alba*, & *arida*. Posthac iterum venter exoneratur, imo & tertio inter cœnandum iisdem excrementis, ut supra, sed perpaucis. *Urinæ* interim crassæ.

Quintò, partes vesicatoriis inustæ, optimæ. Exhibetur jusculum cum aliquot guttulis *Elixiris proprietat*. Helmont. clystere tamen prius immisso, ex quo viscosæ subducuntur fœces. Exinde varia irritamenta ad egerendum, & nihil, aut parum deturbatur. Vir Eminentissimus largius ebibit nunc aquam *Nuceriae*, nunc jura, in quibus ebullierit *limatura* C. C. semperque modico addito julepi perlati. Hora vigesima febris accessio absque manifestis indiciis. Illinitur latus primum affectum *oleo* Matthioli pro *unguento de althea*, quo jam bis in die in-

ungebatur . *Urinæ* minus rutilantes ; *sputa* verò simillima primis . *Pulsus intermittentes* ; *lingua aridula* . Ad intempestam noctem dejiciuntur quidem *biliosa* , sed *compacta* , & quæ in ipso *dejectu* perquam *torserunt* , & *cruciarunt* intestina . Totaque ferè hac die *difficultas spirandi à quolibet motu* , maximèque *inter bibendum* . *Venter tumet* , & *tenditur* .

Sextò , mane potandum damus *oleum lini* ad unc. iiij. scilicet , hac tamen extantissima cautione servata , ut una , & altera hora ante præfati *olei* usum jusculo dilueremus , uti peregrimus , recrementa ventriculi acidæ , vel alia id generis , utpote quibus *amygdalarum dulcium oleum* jam antecessis diebus epotum in offam fortasse , vel smegma quoddam verosimillimè redactum fuisse putavimus , atque hac de causa prolixas in eodem ventriculo , &

mo-

molestissimas duxisse moras. Quapropter paulopost ab hausto *oleo sudor* accedit *copiosus*, ab universo penè corpore profluens per tres horas; & postmodum *bilis prodit ex alvo ad binas heminas flavissima, & putidissima*. Strenuè tum *Æger* ebibit aquam, & juscula, uti magis allubuit. Iterumque, vix horæ quadrante præterlapso, altera habetur *dejectio* ejusdem quidem humoris tam quoad quantitatem, quàm quoad qualitatem. Hora quinta pomeridiana novus fervor febris, ac septima (hora scilicet 23. juxta horologium Italicum) *bilis tertia excretio*, magis tamen saturæ, & spissæ. Circa noctis crepundia *mira pulsum inequalitas: sputa fluidiora. Lotia* magis diaphana. Clystere abluitur tantum alvus utilissime. Noctē verò sequenti *anxietates, & spiritus difficultas*.

Septimò, decocta præcipiuntur ex
lapi-

lapide bezaâr , sanguine hircino , & C. C. conflata in jure vitulino perbibenda tertia quoque hora , quæ adhuc hoc servato ordine , libentissimè accipiuntur ; hinc urinarum ubertas. Sputa magis , atque magis soluta , & excreta facilia , minusque flavedine fœda ; Palpitatio nullatenus obvenit Cordis ; redditque data hora febris. Somnolentia verùm nulla : Lingua humida . In febris augmento ventris dejectio crocea , & densa . Nocte exinde ingruente meliùs se habuit Æger ; quamvis bile stimulante acriter alvum , hæc ad septimam noctis horam leviter solvitur , Abdomen adhuc turgidum , & tensum .

Octavò , longè post jusculum mane epotum ex lapid. bezaâr , sang. hircin. & C. C. juxta jam à nobis decretum , & indictum tempus , præbetur ebibendum oleum lini ad unc. j. & statim , ac horæ spacium emensum fuerit , sudor unde-

undequaque diffluit. Supervenit tum *ventriculi* quædam confusio, & *pulsuum* perturbatio; hinc valida ventris solutio, qua mirum est quam eruginosi, putidique humores eruperunt, & quam brevi iterum subducti fuerunt alii ejusdem prope generis. Propterea febris levissima regreditur. Excreatio expectitior. Sputa magis congrua. Urinæ laudabiles; & sexta noctis hora *copiosa alui egestio*.

Nonò, *expectoratio* larga, & liberior. *Pulsus* æqualissimi. *Sudor* affluens hora post cibum. *Alui dejectio* biliosa, & parum ferosa. Vix tempore solito febris accessisse videtur. Noctu *tussis* mitissima, & *rheumatis* è pectore exclusio plena.

Decimò, *sputa* alba, & concocta. In *Urinis hypostasis* optima. *Spiritus* facilitas. Ex injecto clystere *fœcum* eductio. EMINENTISSIMUS CARDINALIS
fine

fine febris penitus, & sospes: Laus DEO,
Gloria pientissimo, maximoque PRIN-
CIPi, Gaudium COLUMNENSium Domui
generosissimæ, Honor Medicis.

SCHOLIUM.

ID pensæ Eloquentissimo Lancisio absolvendum
merito relinquimus; attamen si occupationi-
bus, uti ut plurimum solet, variis, & gravissimis
distentus in hoc fortasse incumbere nequeat, nos
id nobis arripiemus conficiendum. Interim hæc
sedulò teneamus:

I. MORBUM, scilicet, quo Vir Spectabi-
lissimus detentus fuit, PLEURITICAM fuisse,
sive PULMONICAM, ut magis appellare lu-
bet, FEBRIM, MALIGNAM, ac veluti EPI-
DEMICAM, eoque potissimum, quo multi id
temporis ex aëris intemperie MORBO hujusmo-
di fuere tam immani, & doloso correpti, ut *plu-
res demum jam fato cesserint*. Quod maxi-
mè testatus fuerat Vir in re Medica Consumma-
tissimus Dominicus Gagliardus cum in ingressu
QUARTI hujus Febris invisisset Ægrum Nobilif-
simum, ac proinde ex *pulsibus tam absurdis, do-
lore*

lore præter rationem *ablato*, & *sputis iniquis*, sapientissimè ab tali morbo *timuit* Cardinali ejus Domino, & meo Clementissimo, quod magis *timeri* poterat, laudavitque eapropter dissolventia quamplurima alexipharmaca, & præ primis oleum Matthioli tam internè, quàm externè usurpandum.

II. Simillimumque eundem hunc *Morbum* FEBRI item PULMONICÆ, MALIGNÆ, & veluti EPIDEMICÆ, qua Clarissimus Zecchius, Virum quendam Illustrissimum *prehensum* fuisse, narrat in *Consultatione ultima* ejus *aurei libri Consultationum Medicinalium*, itaut nihil similis, (quod ad extantiora spectat) inspicere quippe queat. Legant, quæso, qui velint, & nihil amplius distare inter sese notabunt, quam quod *Cardinalis noster à tam diro Morbo evaserit*, cum *Aegrotus Zecchii undecima perieret*.

III. Hanc tamen PLEURITICAM FEBRIM ortum *materialiter* duxisse, tam ab iis, quæ *extra sunt*, quàm ab iis, quæ *intra inutilia*, ut cum Magno Sene loquar, & ut ex casu enarrato patet.

IV. *Formaliter* verò ex GONCITATO RHEUMATE, quod per *ἀρμολογικόν* scientissimè explicat Duretus in *Coacis*, licet latinissimus is aliàs, nimis hic græcizet; cum cæterum hujusmodi GONCITATUM RHEUMA necessario supponat feritatem,

tem, & orgasmum humoris, quod in Ægrotante Nobilissimo serè apertè est observatum.

V. Nos verò Recentiores, ut nostra quoque *Dialecto* appositè hoc in loco utamur, id totum evolveremus per SECRETIONES, & EXCRETIONES Sanguinis, vel depravatas, vel præpeditas, nempe in Hepate, aliisve innumeris prope glandulis corpus humanum integrantibus, itaut Sanguis non purificatus (*exempli gratia*) in eodem Hepate, sic postmodum fœdus, & crassus, & aura maligna imbutus, ad Pulmones translatus, ea, quæ in jecinore non secrevit, inverso, & improbo ordine segregavit in ipsis Pulmonibus, & hoc modo enata fuit PLEURITIS, sive PULMONIA per AFFLUXUM, ut vulgò dicitur.

VI. An proinde hic AFFLUXUS valuit in APOSTASIM commutari per *animi notabilem defectum* Cardinali subreptum *ex elyfiere immisso*, videat, & decernat Medicorum Princeps Lancisius.

VII. Lique hinc nihilominus dilucidè: cur DOLOR TERTIA DIE temerè EVANUIT, & cur SERVATUS sit ÆGER, hoc potissimum EXISTENTE SIGNO; cum ceterum experientia planè doceamur *Pleuriticos* hoc indicio distinctos, *septimo* ut plurimum ingravescere, & occumbere; sive ut in primo *predictarum* notabilissimè me-

mo-

moravit Hyppocrates ex *versione* Foëlli : LATERIS DOLOR CUM BILIOSIS SPUTIS PRÆTER RATIONEM EVANESCENS; ÆGROS IN VEHEMENTEM, ET FURIOSAM MENTIS EMOTIONEM AGIT.

VIII. Elucescit quoque: cur nos in eo constantissimi fuimus, prælucente etiam Lancisio, ut ad alvum omnino movendam, & purgandam, conatus omnis noster dirigeretur, & insisteret, quoad oleo lini validè eadem excitata, excretionēs plurimæ biliosæ, & putridæ obvenirent, & CARDINALEM RESTITUERINT.

IX. Imo cur aquæ, & juscula copiosè epota summè conduxerint, sicut etiam mitiora alexipharmaca, atque maximè vesicantia.


X. Quandoquidem morbus, quo gravissimè correptus fuit COLUMNENSIS HEROS, si unquam novo, & insolito nomine indigitandus merito foret, proculdubio nominandus esset ICTERUS PULMONUM MALIGNUS, ATER, VIRIDIS, FLAVUS, quomodocunque magis quisque velit, atque hac sola novitate nominis, ni fallor, congrua, facillimè in propatulo ducentur SPUTA LIVIDA FLAVA, tamque VARIEGATA, Urinarum RUBOR, CRASSITIES, & interdum veluti ICTERICORUM, & ventris tanta stipticitas, ut oleum amygd. dulc. bis, & ubertim assumpto, vel nihil, vel parum cessisse videretur.

XI. Alia insuper si opus fuerit circa *Pulsum iniquitates* annotare, & effari, annotabimus quoque sanè, & effabimur; sed ad hæc unus pro omnibus sufficiat, Experientissimus Lancisus.

XII. Verum silentio prætereundum non est, quod cum per literas nobis significavit eruditus, & studiosissimus Medicus Joseph Julius, qui tum ad reliqua MORBI edomanda una cum Viro docto Dominico Bianciardo attentissimè incumbibat, Cardinalem nempe quotidie solvi binis, aut ternis sedibus biliosis, parcis quidem, sed mitissimè torminalibus, sine etiam minima febre, ac inde tam XIII. quàm XIV. die Morbi, sputa rursus rejecta fuisse bile infarcta; propterea operi colophonem addere putabat, si leni quodam cathartico, XV. alvum demum ipsam abstergendam esse contenderet. Quod cum rectè deductam, animadvertum, & scitum esse visum fuerit tum omnium optimo Lancisio, tum Artis Medicæ Consultissimo Antonello, & mihi, rescripsimus ad oculatissimum ipsum Julium, ut quamprimum, scilicet die eadem XV. propinaret Eminentissimo Cardinali decoctum cichoreæ, in quo dissolutum fuerit manna ad sesquiunciam, & grana aliquot Salis Tartari; atque eo sic peracto, ritè purgatus fuit amplissimus Cardinalis, itaut deinceps quòd per tussim expectoraret purus putus catarrhus esset ali-

aliquo modo concoctus, semperque candidus. At-
tamen hinc ferè per totam, quæ consequuta fuit,
hebdo madam, Ventrem bis, terve in die exone-
ravit fœcibus iisdem biliosis, ac compactioribus,
prævioque tormine; quoad Romam redux, & de
alvi fluxu, & dolore conquestus (quod fuit 22.
morbi) cum pauci id nos meritò fecerimus, imo
è contra cum id argumento verterimus, Cardina-
lem optimè in jure Medico judicari, & valetudi-
ne confirmari, sequioribus hinc diebus quærelas
Ventris evanuisse sensit, ac idcirco benè se habe-
re omnino fassus fuit, & nunc ultro fatetur.





ARGUMENTUM.

Laudat methodum observandi Ægros diligenter, eorumque historias scribendi. Enodat phænomena, quæ in sævo Morbo Eminentissimi Domini Cardinalis COLUMNÆ acciderunt, & I. Cur respiratio sub initium ejus pleuritidis læsa non fuerit. II. Cur morbus desiverit per alvum. III. Cur pulsus intermittens ab admotis vesicantibus, atque ab exhibito oleo minus plerunque timendus sit. Exemplo assertum comprobabat. IV. Unde post lini oleum circa finem morbi genarum rubor, & difficilis anhelitus. Conciliat Hippocratis sententias de Peripneumonia pleuritidi superveniente. Solvit dubium, sinistra ne, an dextra pleuritidis gravior sit. Gratulatur de recuper-

*perata Eminentissimi Principis va-
letudine . Commendat lenem pur-
gationem in dextra præsertim
pleuritide cum caco-
chymia .*



Clarissimo, Doctissimoque Viro

DOMINO DOCTORI

JANUARIO JANNELLO

ARCHIATRO ROMANO.

JO: MARIA LANCISIUS S. P. D.



Um in omni quidem
disciplina, quæ in na-
turæ cognitione, atque
imitatione versatur, ni-
hil præclarius sit, quàm
diuturnis observationi-
bus dare operam; hâc enim viâ non
ex hominum commentis, quæ dies de-
D let,

let, sed ex ipsius naturæ finu æternum duratura veritas depromitur; tum maxime in Medicina, præstantissimâ ejus parte, experimentis diligenter vacare non modò iisdem Medicis honorificum, verùm ægrotis etiam, universæq; Reipublicæ proficuum jure ac merito existimatur: quo factum cernimus, ut inter innumeros, qui ab heroicis usque temporibus Medicinam scriptis excoluerunt, solus Hippocrates per tot, tantasque & rerum, & temporum, & opinionum vicissitudines, tanquam è naufragio tutus, integerque emerferit, nullo famæ dispendio; quinimo eò in dies clarior, quò magis bonæ artes augentur, illustranturque. Tibi idcirco vehementer gratulor, eruditissimæ Janelle, quòd divini, ut ajunt, Senis vestigia premens tutissimum, & quasi regium hoc iter in faciendâ Medicinâ perpetuò teneris. Eximiæ autem hujus

jus methodi nobile præ cæteris specimen mihi præbes in accurata historia malignæ peripneumoniæ, quæ Amplissimum Cardinalem COLUMNAM superioribus diebus in vitæ discrimen adduxit; quem quidem morbum Clinici ferè omnes rarissimum quoque judicarent; non quòd hoc mali genus rarò contingat, sed quòd Ægri ex eodem quàm rarissimè medicâ ope soleant vindicari: oritur enim ex multiplici apparatu vitiosorum succorum cum in hypochondriis, tum in vasis, glandulisque penè omnibus redundantium, qui & particularem thoracis, hypochondriorumque, & universalem totius Corporis Morbum, nempe febrim, quam essentialem appellant, producunt.

Quoniam verò Historici partes adeò diligenter, Vir doctissime, exequutus es, ut ægrotationis naturam sapientissimis animadversionibus per sua

quæque signa , ac symptomata explicaveris , curationemque ritè , ac feliciter institueris, pauca duntaxat investiganda mihi relicta fuisse video.

Primum porrò illud annotatione dignum, vel Tibi rem hanc sedulò, diligenterque retractanti videbitur , quì scilicet fieri potuerit, ut, *cùm Eminen-
tissimus Princeps tam diro pectoris
malo divexaretur, nullâ tamen spiran-
di difficultate laboraret*. An forsitan id evenit, quòd malignus ichor sensiles utique thoracis partes , seu musculares illas membranas lacefferet , ac fodicaret, quæ ad respirationem ejus , qui decumbit , non sunt omnino necessariae , cujusmodi se habent subcutaneæ , aut externorum musculorum ? Unde dolor quidem ad tactum , fortè etiam non levis , sed nullus gravis anhelitus oriebatur . An quia morbificus humor pulmones non anticâ , sed posticâ parte,

te, scilicet quâ dorsum respiciunt , afficeret ; ubi quidem iidem pulmones apud eos, qui decumbunt , propè nihil moveri solent ? Et quanquam noxius humor in tracheas irrumperet , rheumaque satis perstreperis, ac sibilans produceret, tamen intercartilagineos illarum musculos , ipsumque adeò diaphragma minimè læderet . Atque hinc futurum fuisse quis posset suspicari , ut, si Amplissimus Cardinalis opus habuisset majori respiratione, quâ in vehementi vociferatione, aut tussi, vel in adaucta nimium voluntaria inspiratione, vel tandem in corporis ascensu egemus , tunc quidem præpeditam posticarum vesicularum, & trachearum libertatem minimo negotio percepisset.

Deinde quòd *morbis facillimè deferbuerit dejectâ potissimum per alvum causâ*, aliquibus fortè minus in Arte peritis negotium facesset , non tamen

Tibi,

Tibi, cui non latet dextras pleuritides sæpè sæpiùs cum hepatitide conjungi, præsertim cum verna consueta alioquin purgatio (perquam hypochondria, atque adeò hepar ipsum ab infarctu vindicantur) omissa fuerit, ventrisque tensiones (ut in Nobilissimo Ægro animadversum est) occurrerint. Nam biliosi, viscidique humores, ut Tu prudenter adnotasti, *præpeditæ* per Jecur *secretione*, non modò magnâ copiâ in eodem viscere congeruntur, verùm etiam per cavam unâ cum refluò sanguine ad cor, & pulmones ascendunt, atque utrobique, stagnando, irritandoque, gravia tandem symptomata inferunt, in corde quidem pulsum anomalias, in pulmonibus verò malignam penè phlogosim. Duplici itaque ratione materiam hanc morbificam in Amplissimo Cardinali per inferna utiliter educendam fuisse arbitror,

tror, primò, quia turgentes biliosi humoris particulæ quanquam in univ-
 sum corpus redundarent, præ cæteris
 tamen in venæ portæ ramis (abdomen
 siquidem tensum erat) effervescentes,
 ejusmodi figurâ, moleq; præditæ erant,
 ut non faciliè aliis glandularum osculis,
 ac meatibus aptari, & congruere po-
 tuerint; quàm hepaticis. Subinde quia
 major pars citra dubium vergebat ad
 Jecur, & intestina, tanquam ad loca
 conferentia: Quare lenitis sæpiùs, la-
 xatisque hypochondriorum fibris, ac
 tubulis per exhibitionem simplicis *olei*
amygd. dulc. denique opportunissimè
 accessit validior vis *olei lini*, quo qui-
 dem crassior pars phlegmatis, & bilis,
 quibus cholidochi ductus impediaban-
 tur, soluta fuit, atque hinc universa
 pravorum humorum congeries ad in-
 testinorum tubum facillime confluit,
 atque expeditiorem exitum invenit;
 non

non abſimili proſectò ratione , ac videmus uſuvenire , ubi aquarum fluxus impeditur propter infarctum , obſtructionemque ſolius emiſſarii , quo in caſu aquam internè per tubulos vehementer impellere periculi plena res eſt; atquì unicum præſidium in eo verſatur , ut peritus Aquilex minimo negotio ipſum emiſſarium externè recludat.

Quamquam verò pulſus inæquales , atque intermittentes in pleuritide ac peripneumonia affectis magnum conſueverint curantibus Medicis , nec quidem finè ratione terrorem incutere : plerunque enim ſignificant , tum fluida in præcordiis cogi , tum vaſa magnopere ad invicem comprimi , ac proinde liberum à corde ſanguinis curſum (unde pulſus ordinati naſcuntur) præpediri : nihilominus , cum in Rebus Medicis vel minimæ conditiones , ac circumſtantiæ apud Ægros diligenter ſint per-

perpendendæ secundum Hippocratis
 monitum *nihil negligere, nihil temere*,
 accidit nonnunquam, ut hujusmodi
 pulsus vix quidpiam mali ominentur,
 imo potius bonam spem afferant. Si
 quidem, cum cordis, pulsuumque ryth-
 mus non à sola sanguinei fluidi crassi-
 ac libertate, sed à naturali quoque li-
 quidi nervorum excursu, nervorumq;
 cardiacorum undulatione dependeat;
 quoties aliquid hostile in præcordio-
 rum nervos, muscularesque fibras in-
 currat, quod eorum actionem alteret,
 atque perturbet; necessariò ejusdem
 cordis, pulsuumque motus & ipsi alte-
 rantur, & perturbantur. Quoniam ve-
 rò post aliquot horas à vesicantium ad-
 motione fieri non potest; quin cantha-
 ridum corpuscula venis tum sangui-
 neis, tum lymphaticis absorpta, ad ipsa
 præcordia perveniant, ibidemque, si
 aliquid vitii offendant, ut in Viro

Principe offenderunt, moram aliquam patiantur, tunc faciliè, irritando, leves spasmos inferant, illatosque jam adaugeant, ac propterea quæ indè phænomena superveniunt, minùs, quàm ubi eadem vesicantia non sint admota, timenda esse longo experimento didicimus: non tantùm enim ex humoribus spontè coactis, atque adeò sanguinis circuitum intercipientibus, quantùm, ob levem vasorum, fibrarumque cordis spasmum à fugacibus cantharidum, particulis inductum proficiscuntur, qui sanè spasmus iisdem deindè cantharidum particulis exactè cum sanguine permixtis, delinitis, ac liberè præterfluentibus, mitescit, & quâ parte auctus est, sedatur, non secus ac urinæ ardorem, ab eadem causa excitatum, eâdem pariter ratione brevi mitigari, atque restingui observamus.

Nolim tamen existimes, Vir Sapien-

pientissime, hunc meum de canthari-
 dibus sermonem eò tendere, ut vesican-
 tia in Nobilissimo Ægro aut noxia
 fuisset, aut fortè inutilia putaverim: im-
 mò verò utilissima, atque ad ejus mor-
 bum depellendum summoperè neces-
 saria firmissimè assevero. Neque hoc
 propterea dico, quod tuis auribus dare
 aliquid velim; sed solâ motus, & im-
 pulsus veritate, quam in dictis, scriptis-
 que meis unicè colo, sequorque, id san-
 ctè affirmo. Et quidem, ut validissimas,
 quas Tu probè tenes, hujus adhibendi
 præsidii in malignis peripneumoniis,
 rationes prætermittam; consilium hoc
 tuum ~~decem ante annis~~ in Epidemia
 Rheumatica, quæ tùm Romæ vagaba-
 tur, vel edito per id temporis Opuscu-
 lo^a fusè, apertèque comproba vi, non
 meo tantùm, sed magnorum Virorum
 experimento, præsertim verò Hippo-

E 2 cra-

• In Historia Rheum. Epidem. adnex. ad Dissert. de Romano Cælo
 pag. 219. num. 22.

cratis ^b auctoritate ductus, qui docuit :
eos peripneumonicos morbo defungi,
quibus abscessus infernis partibus na-
scuntur, & fistulantur. Cum itaque
 noxia recrementa tum in visceribus, &
 sanguiferis, tum in universo succutaneo
 corpore partim stagnant, partim ur-
 gent, turgentque, (quod in casu Emi-
 nentissimi Cardinalis contigisse, &
 pulsuum anomaliam, & sudores inordi-
 nati, & cætera à Te diligenter descri-
 pta symptomata evidenter demon-
 strant) Medicus, naturam imitando,
 ejusmodi abscessus, ut ægrorum interi-
 tum antevertat, debet aperire. Sed quid
 opus est longâ argumentorum serie, ubi,
 adjuvantibus inter alia auxilia vesica-
 toriis, COLUMNENSEM Principem tuâ
 ope, peritiâque servatum, ac sospitem
 cernimus.

Si quando autem à propinato oleo,
 præ-

præsertim lini, iidem pulsus magis, magisque inæquales redduntur, tunc sane prudens ille timor, qui in fortes, etiam, sapientesque Viros cadit, moderandus est; atque alacriter, ut Tu fecisti, symptomatibus occurrendum, beneque, si cætera concurrant, de ipso Ægro sperandum est. Etenim significatur, criticam evacuationem, obstetricante Arte, per alvum imminere: nam sicuti, ubi eadem crisis à natura tentatur, *nox, quæ præcedit, molesta semper est*; pravi quippe humores turbant ante exitum huc, atque illuc moliuntur; ita, quæ critica evacuatio per blanda licet medicamina promovetur, tamen non sine aliqua perturbatione potest accidere: maximè verò cum multitudo biliosorum, acriumque humorum ab Hepate, ac Pancreate in duodenum erumpit; tunc enim villi nervei, qui cum stomacho, & præcordiis consentiunt,

ve-

vehementer irritantur; quamobrem in Purpurato hoc Principe, & respiratio, quæ naturalis erat, evasit difficilis, & cordis motus, non ob fluidorum stagnationem, sed ob inæqualem musculorum ejus contractionem turbatus fuit. Ac propterea, dum ejusmodi dejectio, vincente natura, peragitur, quanquam venter à bile acri extimulatus aliquantulum tendatur, pulsusque inæquales redantur, terrificæ tamen ejusmodi symptomata ut plurimum sensim evanescent.

Porro quæ hætenus exposita sunt mihi revocant ad memoriam, quod multis mirantibus in Illustrissimo Archiepiscopo Bonaventura Sanctissimi Domini Nostri à secretis eleemosynis, decem circiter ab hinc annis accidit. Is *dexterâ pleuritide graviter laborabat*, cumque illam, interdictâ omni phlebotomiâ per *alvi fluxum defitura*
ram

ram prædixissem ; quia nimirum lotium, & sputa admodum crocea appa-
 ruerant, levisque tensio aderat in he-
 pate ; contigit forte fortuna , ut, propi-
 nato jam sexta die oleo amygdalino, ad
 multam subsequenter noctem subitâ,
 magnâque præcordiorum anxietudine,
 omnique pulsum inæqualitate , unâ
 cum ingenti totius abdominis tensio-
 ne, ac dolore corripereetur : Aleam
 omnem jactam esse familiares ejus, atq;
 unus potissimum ex curantibus Medi-
 cis putabant. Ipse verò, cum per sum-
 mam Sanctissimi Patris in Antistitem
 hunc Benevolentiam, Clementiamque
 illum invisere jussus fuisset, statim af-
 ferere non dubitavi, rem esse in vado,
 cum crisis per alvum instaret : & qui-
 dem, simplici injecto ex jure, oleoque
 clystere, ingens acerrimæ, malèq; olen-
 tis bilis suborta est deturbatio ; ita ut,
 fugatis illicò pravis specie symptoma-
 tibus,

tibus, Æger sanus evaserit. Tantùm pro-
fectò diligens Anatomes peritia, cum
diuturna cùrandi, sedulâque observan-
di experienciâ, valet, mi Jannelli, ut
nonnisi utriusque conjunctione è vul-
garium Medicorum turba pauci fecer-
nantur, atque excellant.

Cæterum quod sextâ die in Emi-
nentissimo Viro, post epotum lini o-
leum, sequutamque per alvum, sed
non integram pravorum humorum,
evacuationem, genarum rubor cum
spiritus difficultate, quæ symptomata
usque eo visa non fuerant, supervene-
rit, locum facit enodationi duarum
Hippocratis sententiarum, quæ inter se
penè contradictoriæ videntur, nimi-
rum ^c *Pleuritidi superveniens perip-
neumonia malum; & ^d Peripneumonia
pleuritidi succedanea tutior est primi-
genia* (quam quidem postremam sen-
ten-

^c Primo de morbis num. 27.

^d In Coac. apud Duret. de Peripneum. num. 28.

tentiam Duretus frustra corrigere studet). Nam tunc certè peripneumonia pleuritidi superveniens mala est, cum per epigenesim oritur; videlicet cum tanta est materiæ morbificæ copia, ut non solum in pleura, ac musculis intercostalibus stagnationem inducat, sed in pulmones etiam affatim redundet, atque in iis pertinaciter subsistat: quo sanè fit, ut in Cadaveribus eorum, qui hoc morbo defunguntur, tum pleura, tum pulmones inflammatione, ac ple-runque gangrænâ labefactati, corruptique inveniantur. Contrà verò, cum peripneumonia gignitur non ex ejusdem causæ redundantia, sed veluti ob criticam metastasim à solutis per coctionem humoribus, qui pleuram obse-derant, & per azygæ ramos in cavam, cor, & pulmones transferuntur; tutior certè existimanda est, quia nimirum (ut de crisi per alvum supra dictum est)

F

coctus

coctus humor à pleura per pulmones ad anacatharsim tendit; atq; idcirco, quamquam interdum spirandi difficultatem adaugeat, tussim intendant, genarumque ruborem inducat; hujusmodi tamen, symptomata non ingravescentem, & *primigenium*, sed succedaneum, spurium, fugacemq; morbum, eumque ad finem per crisim properantem significant. Siquidem, ubi noxiæ particulæ sunt solito acriores, non possunt per pulmones excerni, quin minimam illorum texturam, vellicando, fodicandoque, prædicta phænomena procreent. Quod sanè subolfecisse visi sunt Hollerius, & Jacotius in Commentariis ad memoratum Coacarum textum: ille enim Senis effato locum esse putat, *cum translata è latere materia in pulmones, ut repurgetur, excipitur*. Hic verò, cum ipsa *peripneumonia cessanti pleuritidi*, per salutarem quasi metastasim,

suc-

succedit, ac propterea morbus immi-
nuitur; cum è contrario, si peripneu-
monia statim ab initio pleuritidi su-
perveniat, *eundem morbum*, per mate-
riæ in plures locos diffusionem, *non de-
finere*, sed geminari affirmet: *morbis
enim*, ut idem ait Hippocrates*, *mor-
bo succedens plerunque occidit*.

Sed, vix secum in concordiam ad-
ducto divino Sene, nova ex eodem
emergit quæstio, quæ, ut ad rem no-
stram maximè pertinens, mihi quidem
non esse penitus negligenda videtur,
utra scilicet pleuritidum periculosior
sit, quæ sinistrum, an verò quæ dextrum
latus occupat; cui sanè quæstioni occa-
sionem, quemadmodum probè nosti,
dedere illa ejusdem† Coi verba, ubi
de pleuritide in suppurationem abeun-
te loquitur in hanc sententiam: *Tu ve-
rò humerum concutito, ut audias in*

F 2

utrum

* Lib. de Affect. num. 23.

† 2. de Morbis num. 45.

utrum latus affectio strepitum edat: optandum autem esset, ut in sinistrum.

Verùm, ne longiùs, quàm epistolæ modus ferat, in præsentia abeam, rejectis ad scholarum otia, quæ hinc inde (præter Avicennam^g, Conciliatorem^h, & Peredamⁱ) hac de re fusè disceptarunt Franciscus Vallesius^k, & Zacutus Lusitanus; ad me, quod attinet (utpotè qui non dicentium auctoritatem, sed rationum momenta, & vim experientiorum; unde simplex, ac sincera veritas eruitur, in meis studiis unicè confector) id exploratissimum videtur, pleuritidem quidem, cum in Empyema facessit, lævo in latere expeditiùs per sectionem curari, ac proinde minus esse periculofam: contrà verò, si per anacatharsim, vel per alvi fluxum resolvenda sit; tunc dextram sinistrâ solutu esse facilio-

^g 10. 3. Tract. 4. cap. 4. ^h Differ. 99.

ⁱ In Schol. cap. 27. lib. 1. de morb. curand.

^k In Com. ad lib. 7. Epid. Text. 13.

^l De Med. Princip. Hist. Lib. 2. quæst. 19.

liorem. Nam institutâ sinistro in latere sectione, certum est, quàm quod certissimum, ad collecti puris expulsionem promovendam, atque adjuvandam, vehementiores cordis, & arteriæ magnæ ictus, ac pulsiones, quæ in dextero desiderantur, non parum conferre: & propterea magnus Hippocrates jure, ac merito in suppurata pleuritide *sinistrum latus optasset*. Aliter verò res se habet in pleuritide per anacatharsim, vel per alvi dejectionem sine abscessu, ac suppuratione resolvenda. Cum enim in dextera pectoris capacitate (quod Te minimè fugit) rami venæ azygæ breviores sint, atque in cavam citius, expeditiùsque exonerentur, quàm qui opposito in latere divaricantur; cumq; prætereà ut plurimum dextra pleuritis hepatidi jungatur, hinc nemo non videt, eam, quæ dextrum latus afficit, atque in abscessum minimè abit, faciliùs

lius per anacatharsim , vel per alvi excretionem desinere, proindèque dexteram sinistrâ minus esse periculosam.

At inquires, quorsum hæc ? Scilicet ut magni Viri, ac Medicinæ Parentis summam in laconismo perspicaciam, iudiciumque spectemus ; tum, ut unâ simul Amplissimo Cardinali gratulemur ; qui eductis partim per infernum, partim per supernum ventrem, pravis humoribus, Te potissimum curationis præside, è tam sævâ dextri lateris pleuritide feliciter, veluti è mortis faucibus, evaserit. Quod forsitan, (Divino id Numine clementer avertente) adeò prosperè haud contigisset, si pleuritis, quæ dextrum latus vexavit, in suppurationem desivisset, aut si pro dextero insedisset lævo, atque eadem, ac contigit, ratione, per sputum, ac diarrhæam fuisset resolvenda.


Ex dictis verò satis manifestum vide-

detur, quàm sit opportuniùs, securiùs-
 que in dextera pleuritide statim à secta
 vena, vel, cum evidentiora cacochy-
 miæ signa occurrunt, etiam non sectâ,
 leve aliquod pectorale, quod appellant,
 alvum solvens, exhibere, cujusmodi
 apud Celeb. Ludovicum Septalam^m
 longo experimento utilissimum com-
 pertum legimus mel rosfol. cum buty-
 ro, vel uncias v. ol. amygd. dulc. recen-
 tis cum uncia mannæ; nos verò oppor-
 tunè propinamus oleum lini cum oleo
 amygdalino. Hæc quidem methodus
 illum animi defectum antevertit, quem
 sæpè injectus *clyster*, ubi magna saburra
 stomacho, atque hypochondriis hæret,
 solet inferre, *quique proculdubio in*
Eminentissimo Principe non potuit, in-
ductâ per universum corpus fluidis mo-
râ, non nocuisse; quoniam lipothymiâ
 corripi vix unquam, præterquam ad in-
 gen-

gentem temperandam hæmorrhagiam, laudabile est.

Quæ hæctenus per me forsitan nimis fusè ad Te, ut doctum, ac peritum, ita impavidum, intrepidumq; Virum scripta sunt „ fatis, arbitror, ostendunt, „ nihil minus esse philosophi, egregiiq; „ Medici, quàm in difficillimis, complicatisque morbis animum despondere, aut quæ rarò contingunt, admirari, neque ad intimam phænomenorum investigationem progredi. Vale interim, & ut valeas, quæso inter æstivos hosce ardores studia remitte; ita enim ineunte Autumno eadem alacriùs in Ægrorum commodum poteris intendere. *Ex Museolo in Ædibus Quirinalibus* xv. Kalendas Augusti MDCCXIX.





73.

BIBLIOTHECA